

文淵閣

影印

四庫全書

影印

文淵閣四庫全書

第五五一冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

陝西通志(一)

清

劉於義等監修
沈青崖等編纂

……一

欽定四庫全書

史部
陝西通志
卷目錄一

詳校官給事中臣李臺

檢討臣德生覆勘

總校官降調編修臣倉聖脉

校對官編修臣張燾

謄錄監生臣朱鵠

陝西通志

進表

吏部尚書署理陝西總督印務併辦軍需事件臣

劉於義戶部尚書總理陝西巡撫並一切軍需事

務臣史貽直陝西巡撫臣碩色等恭承

勅旨纂修陝西通志今已成書共一百卷謹奉

表上

進者臣於義等誠惶誠恐稽首頓首

欽定四庫全書

陝西通志
進表

上言伏以誕敷文命遂成禹貢之篇肇啓姬宗爰有

職方之紀故楚之良史能讀八索九丘魯有聞人

頗采鄭書周語馬遷網羅百代乃作八書班固囊括

羣言初為十志周官外史之掌四方之志乘可

稽漢家太史之藏列郡之計書咸在秘府雖有兩

京之記而山川風土尚畧而不詳開元即有十道

之圖而文物聲明悉闕而不備蓋歷代之方輿雜

錄大都多私撰之書而百家之郡國圖經未盡奉

明廷之勅是既無以備累朝之掌故并不足以定

一省之章程惟生際夫

昌期方躬逢乎

盛典欽惟

皇帝陛下

道冠百王

治隆千聖

至誠而臨寶祚乾健離明

欽定四庫全書

陝西通志
通志

大德以育羣生異風兌澤

聖教光昭於四表日星雲物嘉祥史不勝書

天威震疊乎八埏烏弋黃皮絕域人知嚮化乃

頌明詔復沛

恩綸謂

本朝

列聖相承厚澤深仁已淪浹於遐邇而薄海羣黎偏德風

謠物土須簡策以編摩爰

命廷臣纂

大清一統之志因

勅大吏脩直省通志之書而臣等忝任秦疆職司監輯

伏念雍州天府尤九州之上腴龍首神皋為萬方

之綱領歷井捫參之境被服於

皇化者百餘年襟梁跨益之墟沐浴於

聖恩者十三載山則終南太華胥效其靈水則清渭洪

河長流其澤龍興虎視實周秦之故都璇館瑤臺

欽定四庫全書

陝西通志
通志

多漢唐之名蹟展也河山之固秦得百二焉誠哉

陸海之饒富居什六矣連衢甲第昔稱七相而五

公編籍丁黃今號三男而二女數千村烟火士食

舊德而農服先疇十萬井提封荷鍾成雲而決渠

降雨莘莘俎豆荷

聖人之教育尚有辟雍鐘鼓之風濟濟冠裳蒙

天子之生成依然棧樸菁莪之盛涇汭之田上等而任

土作貢厥有球琳琅玕汧渭之馬成羣而物產孔

多何止竹林檀栢彼都人物不徒以城南韋杜相
推列郡官師豈獨以京兆趙張稱最以至家敦仁
讓而比屋可封野盡干城而名將多出制度不無
沿革凡典禮之大悉凜於

王章風尚或有推移雖藝術之微一遵乎

天憲此皆

皇恩之高厚實浩蕩於五郡十州所以方志之詳明遂

燦著乎宏綱鉅目

臣

等未能數典罔識闕疑恭承

欽定四庫全書

陝西通志
卷五

實訓之煌煌敬以冠諸緗素伏讀

聖謨之秩秩踞而授之雕鐫蒐討圖編足以識大而識

小校讐亥豕庶乎徵獻而徵文擬之三輔黃圖規

模差備律以長安宋志凡例加嚴比及三年每撫

寅衷而兢惕蘆為百卷謹呈

乙夜以覽觀伏願

王燭常調

金甌永奠

鴻藻經天而緯地

御撰日新

元符邁五而登三

皇圖天煥則東鷄西鰈萬年同軌而同倫北變南諧九

譯來王而來享矣謹按星野一卷建置四卷疆域

二卷山川六卷城池公署各一卷關梁封爵各二

卷職官四卷貢賦三卷學校一卷祠祀二卷選舉

四卷兵防二卷驛傳一卷屯運水利各二卷鹽法

欽定四庫全書

陝西通志
卷五

茶馬各一卷物產二卷風俗一卷祥異二卷帝系

二卷名宦五卷人物十五卷陵墓古蹟經籍各二

卷紀事七卷德音二卷藝文十三卷拾遺三卷刊

刻告成臣等曷任瞻

天仰

聖激切屏營之至謹奉

表隨

進以

聞

雍正十三年二月初一日

吏部尚書署理陝西總督印務併辦軍需事件 臣 劉於義

經筵講官部尚書總理陝西巡撫並一切軍需事務加四級 臣 史貽直

陝 西 巡 撫 臣 碩 色

謹上表

欽定四庫全書

陝西通志
進表

六

陝西通志

凡例

一秦省為歷代都會地居上游西京之盛莫可殫述
比來承流宣化拱衛

神京休養生息百年於茲五府十州極豐亨樂利之象
通志一書正以鼓吹休明揚抗鴻業也使專尚簡
貴則典章制度未免紀載疎略何以昭示不朽茲
於上下古今蒐羅考訂分為三十二類列為百卷

欽定四庫全書

陝西通志
凡例

一

未敢云取多用弘或不至因陋就簡

一陝志為秦地紀載之書而於

朝廷六典制度靡不殫究吏之職官戶之貢賦鹽錢
禮之學校祠祀選舉兵之兵防驛遞工之城池關
梁水利皆有關於政事者也然非符檄考覈卷案
徵信不敢濫登庶幾有裨於留心經濟者爾
一事關制度典章為直省通行遵奉者已經詳載

大清會典非秦志所宜專書如

訓飭士子文月吉講讀鄉飲賓興祀典樂章

表箋以及律例改定條款俱不敢載

一往古事迹尤為居今所必稽但慮世遠言湮傳聞

異同於是廣搜四庫撫拾舊聞務求徵信所有採

錄原書每條登注尋覽者因流邇源可以知所自

矣

古書日就散佚或今本所無而昔賢所引如謝承後漢書晉陽秋之類尚仍故名鄭注雖逸者

亦稱水經注是也

一舊志成於康熙初年前撫臣賈漢復之手賈嘗撫

欽定四庫全書

陝西通志
凡例

二

豫再撫秦其所撰兩省通志

朝議取為他省程式但

國家當奕葉重光之後深仁厚澤浹洽區宇其間政

化多隨時隨地以為因革損益在

會典已經再修今日之執簡而書者何敢從略而馬

谿田馮仲好舊志均有可取故補葺較多於刪削

焉

一分類無義叙次無倫著述家所弗取此志原本史

裁折衷諸說離為三十二類首星野言地必本於

言天也王者繼天出治度地居民必先分疆畫野

故次之以建置建置定而疆域分於是封山濬川

築城鑿池治事之解宇立焉險阨之關梁設焉皆

建置中所有事也立國以治民封建在先郡縣在

後故封爵職官次之有土斯有財咸則三壤所以

成賦厚生必正德敬敷五教所以明倫故貢賦學

校次之事神以治陰求賢以治陽幽明之別也故

欽定四庫全書

陝西通志
凡例

三

祠祀選舉又次之安內以文德攘外以武功兵防

其要也置郵興屯皆武備所當修舉者也故兵防

之後次以驛傳屯運屯運以裕蓋藏溝洫以備旱

潦水利者農政所資也一曰食二曰貨鹽錢茶馬

物產皆民生所以利用者也皇極之建必又以三

德稽疑之用必驗於庶徵俯察五方之風氣仰觀

五行之休咎天人之際相為感應者也故受之以

風俗又受之以祥異從來人存政舉都此土而主

治者帝王蒞此土而佐治者牧伯沐浴教化鍾毓靈秀產於此土之賢皆可傳述者也乃人亡事往抔土依然世遠年湮遺踪宛在故帝系名宦人物之後又受之以陵墓古蹟至於古今名山石室之藏人雖往而言不朽也歷代治亂得失之林事雖遠而功可邇也故受之以經籍又受之以紀事鴻文典冊仁政尤先德音所以昭

本朝之盛藝文所以揚歷代之休也其餘碎金雜俎

欽定四庫全書

陝西通志
凡例

諸類所不及志者亦俱收並採雖稗野卮言在所不棄故受之以拾遺終焉

一分類三十有二多師前人規格其中有附者取其

相近

如形勝之於疆域

有合者取其相因

如關隘與津梁屯田與漕運

有併者取其相屬

如人物中包忠節孝義流寓釋道方技列女數種蓋彼亦人物

中人無庸另為區別也

如經籍表作述之功紀事垂古今之

鑒德音宣

朝廷之德特為增類以備叅攷

一各類之中條件甚多叙次龐雜無由醒目故史志

中自漢以下咸析小目

如經籍則分經史子集禮儀則分吉凶軍賓嘉是也

今名宦人物藝文經籍選舉風俗物產古蹟拾遺

各以其所包者析之而仍標目於下以便流覽

一各類中有因時起例與通體微異者即於本類下

注明或有考究異同訂證舛錯闕疑傳疑之處俱

於本條下加按字以別於原書之本注

一龍門首開史法創為年表之例縱橫指畫事理包

欽定四庫全書

陝西通志
凡例

五

舉後有作者靡不效之茲於建置封爵亦倣其例

庶幅輳廣表世系相承上下數千載歷歷如在目

前

一古地理書多為圖經魏書直謂之地形志則可知

畫沙聚米非繪事弗明也茲於各類若山川水利

古蹟兵防驛遞作圖歸於本類而於建置疆域尤

加詳焉蓋古來沿革不一不獨郡邑名稱屢更即

城郭關河遠近疎密迥不相侔繪圖以補表之所

不逮則前代一覽無餘再合以

本朝疆域尤瞭如指掌矣

一疆域繪圖限於尺幅不能詳備今照

皇輿圖首列通省總圖祇載府州縣及名山大川其次作五府十州圖載山川關驛鎮營道路又次二州七十三縣各作一圖有城池泉渠祠宇橋渡古蹟陵墓鎮店鋪遞分界悉列焉其地形之方員斜銳長短凹凸如其本形離之各成方幅界不踰域合之即成總圖間不容髮雖或山川阻深塗徑迂折而大槩已較然矣

欽定四庫全書

陝西通志
凡例

六

一凡山川廨宇闕梁祠廟河渠陵墓古蹟必以今州縣治為準而首揭其所在之方向里數然後援引故實發明訂正庶幾眉目朗如故雖有近代之書可徑列經史之前不嫌倒置又慮所引之書各代州郡建治不同於今因而方向里數與今迥別故又於建置中作列朝地圖考覽者從此互訂則抵

牴適相符合矣

一山川等類固當先標其所在之方向里數而有不甚遠坡逕聯接則又甚近是里數不可定也川則有曲流有環遶出山或在西南流行或在東北方向亦不能定也故考之志冊間有不符至於疆域之四至八到廣袤里數更難畫一蓋郡邑地形百出方員歛銳凹凸鈎環加以高山深谷四面八隅

欽定四庫全書

陝西通志
凡例

七

不能咸備而分界之處多在通達之衢未必適當其方位且舊志所載道里有自治起者有自城起者有以隣界止者有以隣治止者參差不齊故不獨里數不侔而方向亦多錯出不知營城邑設官守當以治為準分壤地辨封疆當以界為止今疆域一類先載治距所隸之里數次載四正四隅分界里數若以兩界各至治若干里合算則隣邑至治之里數已寓於中矣嘗見元和志式有至某界

正東微南微北之說甚為得解今所標者雖不能作章亥履勘而或治或界偏左偏右必折衷至確乃敢登載其形有不齊者倣照元和志式庶幾詳備云

一職官選舉題名舊志祇詳於明代今蒐輯羣書及金石刻各依官制科分增錄以備稽考其或有創設特遣之官官制所無及無科目可考者槩附一代之末

欽定四庫全書

陝西通志
凡例

一舊例各類叙次多分府州但如人物一種古書紀載有泛稱秦人者既未便強屬何郡而古今地名沿革不一未必盡如今之分界又方技隱逸釋道諸類中多有異域他省之人更難附屬是以按代編次而同時者則略以地叙云

一名宦人物列傳採錄各史原文一字不敢妄增如原文內有地名在前人名居後或世系里居不詳於本傳而別見他傳者俱用小字旁注以別原文

一史家之體彰瘴並行誌則隱悲揚善亦忠厚之意也然而好惡之公不容偏廢使前愆炯鑒常懸心目未必不收懲創之益故於列傳用歐陽史例別為雜傳以外之而拾遺中更標徵應鑒戒二目以寓儆惕之義焉

一秦中自周秦漢唐建國於此凡宮廷事宜俱闕天下之大非專屬畿輔也故自周官周禮下至漢唐朝官不入職官名宦館庠遊學不入流寓禁軍不

欽定四庫全書

陝西通志
凡例

入兵制至若宮苑遺墟久成古蹟銀潢戚畹分封畿甸又不得泛視為公家言而槩置弗錄也

一紀事一類仿照綱目編年大書巡狩會盟征伐諸大政以存統御之權餘分閏位莫不包舉然如彼此戰爭關乎疆宇則從其重者專載一朝之下

魏南北朝
宋金元

若僭據秦土仍以正統為斷故自秦漢

以降凡僭竊之制度

如葬之改官不入官制改邑不入沿革符秦石趙之臣不

列題名不入名
宦人物之類

不書其分統者不用此例

一歷代名篇佳什爭鳴藝苑美不勝收茲惟取其有關於斯土之政事文章人心風俗者嚴其程格以定去存至於投贈諛詞並當擯斥或所言止於一鄉一邑者亦自有州縣誌在茲弗察及

一藝文以有關通省及連數郡邑者始登其他可資各類考訂者則皆節採要語入各類中如遊覽入山川憑弔入古蹟陵墓營建入學校祠祀公署著作入經籍奏議入貢賦鹽錢兵防驛遞蓋典制重

欽定四庫全書

陝西通志

十

於翰墨也

一古人陳迹稗官紀載極繁凡有關於人情風土嗜好歌謠可以廣見聞資法戒者固為採風所不廢至於畸行遺言談天說鬼原始要終歷代傳述為茲土之故實亦必博採以助談叢其他侮慢鄙褻有妨風化者雖係斯土槩不濫登

一

御製德音官制錢穀兵屯建置有關典章者理宜尊崇

本朝而以歷代附考於後若祥異紀事人物藝文拾遺諸類則仍以古今世次順叙微有不同

一省志向例俱分郡邑但有界限劃然必應分者

池關梁學校祠祀水利陵墓之類有統屬聯貫必應合者如星野

文封爵之論世次職官選舉之題名兵防鹽法之制度紀事德音祥異之編年帝系之紀傳經籍藝

文之分有綴旒於冕宜先合而後分者如建置疆域貢賦屯

運以省總冠前而以郡邑額分之有若網繫網應分類而不分地

者如物產人物風俗拾遺之類有一經一緯分合兼用者如山

欽定四庫全書

陝西通志

十一

名山大川各自繪圖撰考是也各隨其宜不能強同

一誌宜詳密而省誌亦宜得體如里甲街市坊表之

臚列下僚之題名掾史之額設存留之細數廨舍

之間架渠堰之受水人物中鄉曲之善士祠宇中

羅列之姓名槩不濫收以侵郡縣志之詳備也

一地誌以地為經以代為緯地所不屬則徑闕之如

三國之吳六朝之陳與北齊宋時之遼諸類中槩

不及之雖其時招集人民僑治他郡而襲故名者

封爵建置悉為辨正

一興漢二屬地接荆梁前代分隸他州郡星野兼入
翼軫但所躔之度甚微徵應自在全蜀全楚茲不
具錄至古刺史郡守治不在境內而屬邑在境內
如弘農武都者職官題名未敢舉登而於名宦則
仍書之蓋當日勢分所臨既及其地而惠澤所流
亦不可泯固善善欲長之義也

一陝甘昔合今分新設府州亦係舊時營堡故於疆

欽定四庫全書

陝西通志
凡例

十三

域里數賦役額數皆不襲用舊說而以今冊為準
其職官中統轄之大僚如總督駐西安學政駐三
原均入陝志提督駐固原入甘志至前代之鹽學
藩臬糧驛各道俱駐省城兼治全陝及但有叅政
副使等銜而不能強分者悉入陝志

一漢有五原九原唐有安北都護宋有天德軍金元
有豐雲二州咸入版章明世中衰棄河套地如甌
脫延綏遂為邊境我

朝聲教誕被屬國降王願為保塞

祖宗撫綏荒服仍令駐牧套中今車書一統梯航所至罔
不奉圖入告况近在塞垣之下乎凡套中山川城

若古蹟俱得附榆葭各州縣以類而見云

一陝省幅幘極廣如弘農跨陝豫之郊興元控雍梁
之野以至綏葭昔為趙地鳳興向屬武都其間山
川人物舊志尚多混淆或因一時失檢分晰未清
或因志在誇多獵取傳會遂至以訛襲訛遺誤後

欽定四庫全書

陝西通志
凡例

十三

來今於河南湖廣山西四川甘省分界各州縣山
川必究其脈絡人物必詳其世系古蹟必核其時
地合者收之不必舊志之所有不合者去之不必
舊志之所無也

陝西通志

職名

監修

太子少保吏部尚書議政大臣署寧遠大將軍前署川陝總督印務臣查郎阿

吏部尚書署理陝西總督印務并辦理軍需事件臣劉於義

經筵講官戶部尚書仍督留西安總理巡撫並一切軍需事務加四級臣史貽直

工部左侍郎世襲拖沙喇哈番加四級前署理陝西巡撫印務臣馬爾泰

巡撫陝西等處地方督理軍務都察院右副都御史紀錄一次臣碩色

欽定四庫全書

陝西通志

提督陝西學政內閣學士兼禮部侍郎臣王蘭生

提調

前陝西寧塞臺布政使司布政使加一級又加三級臣楊秘

陝西西安等處臺布政使司布政使加一級又加三級臣程仁圻

陝西西安等處提刑按察使司按察使紀錄二次臣何師儉

編輯

辦理西路軍需陝西布政使司督理糧儲道僉事加二級紀錄四次臣沈青崖

採訪

署理陝西西安等處布政使司督理糧儲道臣偉璉

陝西布政使司分守潼商道僉事臣張正瑗

陝西按察使司分巡榆葭道副使臣王凝

陝西按察使司分巡延綏廊道叅議臣朱一鳳

陝西按察使司分巡漢興道副使臣姚培和

原任西安府臣王紹文

西安府臣烏靈阿

延安府臣徐洹瀛

欽定四庫全書

陝西通志

鳳翔府臣馮慶長

漢中府臣朱開聖

榆林府臣王士

興安州臣鮑遐齡

商州臣王如玖

同州臣董權文

華州臣王德地

耀州臣朱紹峒

乾州知州臣王以觀

署邠州知州臣李肖筠

廊州知州臣李如沆

署綏德州知州臣董朝鼎

署葭州知州臣程材傳

分編

西安府咸陽縣知縣臣馮運棟

西安府署渭南縣知縣臣梁成武

欽定四庫全書

陝西通志

三

延安府署宜川縣知縣臣劉國泰

鳳翔府寶雞縣知縣臣錢界

鳳翔府署郿縣知縣臣喬履信

漢中府署城固縣知縣臣王邦光

興安州署白河縣知縣臣唐敦堯

同州署蒲城縣知縣臣沈華

耀州署同官縣知縣臣楊繹

邠州署三水縣知縣臣文魁

學習進士臣李之蘭

學習進士臣冷崇

學習進士臣古澧

訂正

綏德州署清澗縣知縣臣王起鵬

舉人臣胡淦

監生臣申存寅

監生臣楊煜曾

欽定四庫全書

陝西通志

四

廩生臣支期

分校

西安府富平縣教諭臣白塘

鳳翔府麟遊縣教諭臣馬國鎮

舉人揀選知縣臣李清佐

舉人揀選知縣臣崔昭

廩生臣劉紹攸

廩生臣解含章

繕錄

舉

人臣單潔

監

生臣張國棟

生

員臣李允寬

生

員臣王秦

生

員臣趙佩琇

生

員臣王家騭

生

員臣上官一

欽定四庫全書

陝西通志

五

叔掌

西安府署照磨所照磨臣張元龍

西安府長安縣縣丞臣羅之晉

校刊

西安府咸寧縣知縣臣陳齊賢

西安府署長安縣知縣臣王端

繪圖

布臣張謙

欽定四庫全書

史部十一

陝西通志目錄

地理類三

都會郡縣之屬

卷一

星野

卷二

建置一

圖表

卷三

建置二

考

欽定四庫全書

陝西通志

卷四

建置三

考

卷五

建置四

考

卷六

疆域一

圖

卷七

疆域二

考形勝附